



Centralna banka
BOSNE I HERCEGOVINE
Централна банка
БОСНЕ И ХЕРЦЕГОВИНЕ



Monetarna kretanja u maju 2026. godine




Monetarna kretanja u maju 2026. godine

Ukupna novčana masa (M2) na kraju maja 2026. godine iznosila je 44,29 milijardi KM i u odnosu na prethodni mjesec registrovano je povećanje novčane mase za 467 miliona KM (1,1%). Povećanje novčane mase (M2) rezultat je povećanja novca (M1) za 336,1 milion KM (1,2%) i povećanja kvazi novca (QM) za 130,9 miliona KM (0,8%). U strukturi novca (M1), gotovina izvan banaka je povećana za 146,8 miliona KM (1,9%), dok su prenosivi depoziti u domaćoj valuti veći za 189,2 miliona KM (1,0%). Povećanje kvazi novca (QM) rezultat je rasta prenosivih depozita u stranoj valuti za 66,4 miliona KM (1,5%) i ostalih depozita u domaćoj valuti za 64,9 miliona KM (1,6%). Istovremeno je kod ostalih depozita u stranoj valuti zabilježen neznatan pad od 0,4 miliona KM.

Na godišnjem nivou, porast novčane mase (M2) u maju 2026. godine iznosio je 4,71 milijardu KM (11,9%). Rast je ostvaren kod gotovine izvan banaka za 668,5 miliona KM (9,5%), kod prenosivih depozita u domaćoj valuti za 2,51 milijardu KM (14,5%), kod prenosivih depozita u stranoj valuti za 266,7 miliona KM (6,4%), kod ostalih depozita u domaćoj valuti za 505,9 miliona KM (14,0%) i kod ostalih depozita u stranoj valuti za 752,2 miliona KM (10,1%) u odnosu na isti period prethodne godine.

Monetarni agregati

(godišnje stope rasta)
2023 - 2026



Protustavka povećanju novčane mase (M2) na mjesečnom nivou u maju 2026. godine u iznosu od 467 miliona KM (1,1%) je povećanje neto strane aktive (NSA) za 295,5 miliona KM (1,3%) i neto domaće aktive (NDA) za 171,5 miliona KM (0,8%). Porast novčane mase (M2) na godišnjem nivou od 4,71 milijardu KM (11,9%) rezultat je porasta neto strane aktive (NSA) za 1,65 milijardi KM (7,6%) i neto domaće aktive (NDA) za 3,1 milijardu KM (17,1%).

Monetarni pregled

	Stanje u mil. KM V 2026	Mjesečne promjene u mil. KM			Godišnje stope rasta u %		
		III 2026	IV 2026	V 2026	III 2026	IV 2026	V 2026
Aktiva							
1. Neto strana aktiva	23.384,1	-454,7	491,3	295,5	4,0	5,0	7,6
1.1. Strana aktiva	25.709,2	-243,1	443,7	452,9	4,9	5,5	8,6
1.2. Strana pasiva	-2.325,1	-211,6	47,6	-157,5	15,0	11,1	19,8
2. Neto domaća aktiva	20.908,7	580,0	152,3	171,5	18,7	18,3	17,1
2.1. Potraživanja od centralne vlade (neto), kantona i opština	2.329,9	73,8	-389,3	-44,6	69,5	52,1	40,1
2.2. Potraživanja od domaćih sektora	28.790,5	397,9	331,3	412,5	11,2	11,2	11,7
2.3. Ostale stavke	-10.211,7	108,3	210,3	-196,4	7,4	5,0	6,4
Pasiva							
1. Novčana masa (M2)	44.292,8	125,3	643,5	467,0	10,6	10,9	11,9
1.1. Novac (M1)	27.572,2	38,6	356,0	336,1	11,9	12,3	13,1
1.2. Kvazi novac (QM)	16.720,5	86,8	287,5	130,9	8,4	8,6	10,0

Kreditni

Ukupni krediti domaćim sektorima na kraju maja 2026. godine iznosili su 30,53 milijarde KM, u odnosu na prethodni mjesec zabilježeno je povećanje kredita od 531,7 miliona KM (1,8%). Kreditni rast je registrovan kod sektora stanovništva za 182,1 milion KM (1,2%), kod nefinansijskih privatnih preduzeća za 210 miliona KM (1,8%), kod vladinih institucija za 133,8 miliona KM (7,6%) i kod ostalih domaćih sektora za 7,1 milion KM (1,8%). Smanjenje kreditnog rasta na mjesečnom nivou zabilježeno je kod nefinansijskih javnih preduzeća za 1,3 miliona KM (0,2%).

Godišnja stopa rasta ukupnih kredita u maju 2026. godine iznosila je 13,0%, nominalno 3,5 milijardi KM. Godišnji rast kredita registrovan je kod sektora stanovništva za 1,71 milijardu KM (12,7%), kod privatnih preduzeća za 1,1 milijardu KM (9,9%), kod vladinih institucija za 510,5 miliona KM (37,0%), kod nefinansijskih javnih preduzeća za 104 miliona KM (14,9%) i kod ostalih domaćih sektora za 77,9 miliona KM (23,9%).

Sektorska struktura kredita

	Stanje u mil. KM V 2026	Mjesečne promjene u mil. KM			Godišnje stope promjene u %		
		III 2026	IV 2026	V 2026	III 2026	IV 2026	V 2026
Ukupno	30.526,4	353,2	422,7	531,7	11,7	12,1	13,0
Od toga:							
Stanovništvo	15.239,2	214,8	210,8	182,1	12,5	12,7	12,7
Privatna preduzeća	12.190,0	170,1	93,2	210,0	8,6	8,7	9,9
Vladine institucije	1.889,8	-21,7	59,8	133,8	23,1	26,8	37,0
Javna preduzeća	803,2	-14,2	39,8	-1,3	20,7	19,6	14,9
Kreditni ostalim domaćim sektorima	404,2	4,2	19,0	7,1	22,1	27,1	23,9

Depoziti

Ukupni depoziti domaćih sektora na kraju maja 2026. godine iznosili su 38,7 milijardi KM i u odnosu na prethodni mjesec depoziti su povećani za 500,5 miliona KM (1,3%). Povećanje depozita na mjesečnom nivou registrovano je kod stanovništva za 69,9 miliona KM (0,3%), kod privatnih preduzeća za 248,3 miliona KM (2,9%), kod vladinih institucija za 223,1 milion KM (4,6%) i kod ostalih domaćih sektora za 31,6 miliona KM (1,4%). U istom periodu depoziti su smanjeni kod nefinansijskih javnih preduzeća za 72,3 miliona KM (3,6%).

U strukturi depozita stanovništva, najveći dio se odnosi na transakcijske račune 50,6%, dok su depoziti po viđenju 19,7%, a oročeni depoziti 29,7% ukupnih depozita stanovništva.

Godišnja stopa rasta ukupnih depozita u maju 2026. godine iznosila je 12,9%, što je u apsolutnom iznosu 4,41 milijardu KM. Godišnji rast depozita registrovan je kod sektora stanovništva za 2,33 milijarde KM (12,8%), u čijoj strukturi su transakcijski računi porasli za 16,1%, depoziti po viđenju za 7,3% i oročeni depoziti za 11,0%.

Rast depozita na godišnjem nivou zabilježen je i kod privatnih preduzeća za 913,3 miliona KM (11,7%), kod vladinih institucija za 817,3 miliona KM (19,0%), kod nefinansijskih javnih preduzeća za 80,3 miliona KM (4,3%) i kod ostalih domaćih sektora za 263,9 miliona KM (13,1%).

Sektorska struktura depozita

	Stanje u mil. KM V 2026	Mjesečne promjene u mil. KM			Godišnje stope promjene u %		
		III 2026	IV 2026	V 2026	III 2026	IV 2026	V 2026
Ukupno	38.699,1	73,7	651,0	500,5	11,1	11,6	12,9
Od toga:							
Stanovništvo	20.622,4	168,6	288,5	69,9	12,1	12,9	12,8
Privatna preduzeća	8.719,0	-240,1	-13,2	248,3	11,8	8,8	11,7
Vladine institucije	5.119,8	160,3	190,5	223,1	11,3	14,9	19,0
Javna preduzeća	1.956,6	6,6	61,8	-72,3	3,1	3,9	4,3
Depoziti ostalih domaćih sektora	2.281,3	-21,6	123,4	31,6	6,4	11,3	13,1

Devizne rezerve

Devizne rezerve Centralne banke BiH na kraju maja 2026. godine iznosile su 18,31 milijardu KM i na godišnjem nivou su povećane za 1,38 milijardi KM (8,1 %).